

酒

令

叢

鈔

清俞敦培著

上

進步書
局校印

香
年
能

PDG

序一

夫千鍾百榼聖賢標飲籍之先六物五齊官禮訂食經之要酌西池之金液歡用介眉餐南嶽之瓊酥清如灌頂在天成象星聯龍宿之躔在地成形郡列雁門之次斯誠美祿亦號上尊於以扶老而養和於以序賓而合好釐三神而清酤薦洽百禮而元醴蒸酒之為用大矣哉然而闢醉鄉之日月不敢長昏稽釀國之春秋止宜卜晝狂花病葉空貽四座之羞航獄醉坑已後八行之謝死葬陶家之側枉修達觀生得酒海之中終歸累德禍泉酌我幾忘濡首之占狂藥飲人致蹈棄身之咎爛防詭布危近井瓶衛詩見哂於號呶周誥有懲於暇逸苟不守德將之訓何由聯樂豈之歡爾乃戒彼甕精立之航宰命醕豈宜無節呼唯要使有終初筵昭秩秩之儀三爵表油油之度立監佐史密糾管於歡時揚觴飛觴鬪森嚴於酒律倩朱虛而執法儼同三令之申假白墮以繩警且蘸十分之甲酒令之作有由來矣俞君芝帖吳下酒仙河間醉聖引壺商而共貴也曾身現宰官愛米汁而逃禪直欲龕同彌勒本居金匱不少奇書解讀離騷允稱名士才高户大能編甘露之經清聖濁賢備列流霞之品於是遠證五經旁搜雜俎歌風歌雅詳稽式燕之篇或酢或酬載紀其觴之爵序射

列鵠棲之九。投壺編馬立之三。廢韻本虞臣亦侑手仇之飲。廢辭傳秦客偏通角勝之觴。凡夫方言稗乘之遺。詩話筆談之紀。靡不洄唐溯漢。卷宋包明。是謂古今。厥類一也。又若鉤心鬪角。爭一字之奇。鏤腎雕肝。矜四聲之捷。天邊鴻鵠。忽對家雞。爾雅蟲魚。皆供蝕蠹。一花一葉。偶開世界於華胥。六甲六丁。每逞雲山之奇險。剝昌齡而吞正一。妙用搗搗。匡老子而反韓非。無嫌矛盾。誦書厨之獺祭。極才語之蟬聯。自非學富鄉鄰。難免罰嚴金谷。是謂雅令。厥類二也。下逮諛詞吉語。盡佐諧談。笑牒言鯖。都資喁喁。二十一點分瓊爰。流觴披慶歷之圖。三十二數合牙牌。洗瓊按宣和之譜。以指喻指。猜詳駢拇之章。可言而言。捷對同聲之應。蓋與少與衆。當宏樂事以尚羊。而從俗從宜。庶去歡場之害馬。是謂通令。厥類三也。別有篆紫白暗。樞巧黃金。筒搖汗後之青。籤拔剝餘之碧。闔唐詩之舊韻。下酒物一斗不多。拍元曲之新詞。合歡杯十觴可累。曹分列炬。藝二等之金釭。輪轉如環。數三巡之玉笋。取懷而予。不設成心。信手拈來。都饒妙諦。不待花枝之折。爭看舊葉之浮。是謂籌令。厥類四也。若夫食瓜數典。貢粟徵書。茗談則繙閱誇才。石鼎則聯吟賭韻。古人行厨選勝。綺席言歡。非徒觀我朵頤。將以昭其便腹。故陸子有茶經之訂。王生詳糖譜之編。韓彥直橘錄永嘉。

蔡忠惠荔搜閩海。剗茲歡伯。以宴嘉賓。玉浮梁我輩能豪。金鑿落人生最樂。苟非丹
心受範。思嚴越畔之防。恐教赤舌相燒。口啟興戎之釁。讀斯編者。尚其善體此意乎。
錄醉慚白傳。醒愧孔公。揚章貢之清波。廉泉屢酌。訪蘇陽之芳躅。文謙頻開。高陽敢
號。夫酒徒羅浮更思夫卿味。撫茲一集。良用三思。麴秀才風味可嘉。航錄事糾繩宜
凜。能冲愁陣。訂良辰於籬菊開時。巧作詩鉤。添雅詠於海棠篇後。俞君工詞有孟參
俞海棠之號

軍知其趣耳。合對麴部尚書。李太史見而愛之。真謂酒家南董。

光緒三年歲次丁丑季秋燕菊酒之辰序於虔南樞署贊園玉樹瓊花室嶺南許應

錄

序二

周禮酒正酒人掌五齊三酒四飲。梓人為酒器。由一升至三升。曰勺。曰爵。曰觶。示限制也。而酒禁則掌自萍氏。說者謂官以萍名。取其上浮而不沈溺。蓋酒之有官有令。此其始矣。然禹疏儀狄。絕旨酒。令因酒起者。莫先於此。故五子之歌。首戒甘酒。夏商之末。以酒為池。而令遂廢。成周戒羣飲。作酒誥。衛武公立監佐史。皆循令也。春秋時名卿宴會。肄雅歌風。一洗號呶之習。遂為即席倡和之濫觴。漢以後權酤有令。而公私讎飲。仿監史之例。觴政以名。觥錄事以起。蓋自投壺習射。以至藏鉤鬪覆。猜枚博塞。種種意趣。千百年來。每變逾新。因難見巧。以視倡優雜還。管絃啁曼。且徒以譁呼搏戰為娛者。雅鄭判焉。夫以上使下謂之令。若舉觴促坐。迭為盟長。聽其約束。有舉必行。有禁必止。無賓主百拜之繁。罕飲無算爵之罰。亦謂之令。然則今因酒起。酒亦以令行。且令者善也。有擇善而從之義焉。金匱俞芝帖大令挂冠侍養。僑寓雙江。闢地數弓。蒔花種竹。四方同好之來者。倒屣聯袂。觴詠無虛日。君以多材多藝。每登飲席。輒舉新令。如匡鼎說詩。語妙解頤。余別君五年。今夏過轅。謁觀察星臺許公。翼日召飲。君預焉。酒半。獲觀是編。蓋君所採輯。公為之授梓。且命為序。俾得附名卷末。爰

手是編一再繙閱曰古今志緣起也曰雅令別慶俗也曰通令利推行也曰籌令參伍錯綜明乎純任自然也嗚呼君之才豈僅此哉夫以君之蘊蓄不盡展於時今乃隨舉一事窮源竟委類聚羣分集衆人之心思供一時之采擇而又聯絡穿貫妙趣環生於以資考證佐佳話一醅酢間而古近人之靈機雋旨因是以傳覽是編者愛之將與茶經酒譜等君才之可見者此其一端已約舉是編有四宜焉和親康樂少長咸集標新領異吉語繽紛於歲時之燕宜觥籌交錯左右秩秩歡伯聯情口無擇言於賓僚之會宜高峯流泉探幽選勝嘯侶翕集鉤心出奇於山水之遊宜良宵雨霽奇葩吐芬同調寫宣諧謔閒作於花月之賞宜由是推之酒官不必設酒禁不必申入酒國者釀為太和合四海而同春焉彼劉伯倫之荷鍾畢吏部之盜甕王無功之逃醉鄉則膏然而不知聞然而寡趣也六合周長森連叔序

凡例

一觴政之名始見說苑酒令乃觴政之一端凡漢以前人宴樂有類於令者采而錄之為令之濫觴沿至唐宋以迄於明令日以多有不解其法惟存其名者亦錄之編為古令一卷凡參以鄙見者加愚按二字顧閭陋拙學行及無書疎漏實多惟希博雅君子教而益之

一南史湘東王屬王規為酒令規曰江左以來未有茲舉賓退錄言後漢賈逵嘗作酒令不知所據何書亦不言其法又云歐公作九射格不別勝負飲酒者皆出於適然陳述古亦嘗作酒令近李如圭作漢法酒令館閣有小酒令一卷今皆不傳一唐人皇甫松醉鄉日月云凡以言笑動眾暴慢無節或纍纍起坐或肘耳囁語律錄事以本戶繩之奸不表止者觥錄事糾之有犯者輒投旗於前曰某犯觥令云蓋即詩人立監佐史之意又云不歡之候有九數易令五也歡之微有十三不能令有取五也所記之令今亦不知其法矣

一宋人寶革

一作革

撰酒譜一卷始列酒名終以酒令其言曰詩云既立之監或佐之

史然則飲之立監史也所以已亂而備酒禍也後世因之有酒令焉按其令寥寥

無幾已采擇矣

一明人袁石公宏道有觴政一卷紀觴政十六則前有宏道引語謂采古科之簡正者附以新條為醉鄉甲令云見於四庫書存目他書間有引之者覓其書未得又明人沈沈撰酒概四卷內有言酒令者國朝人有酒部彙考十八卷不著名氏總目稱其徵採頗富不知有無酒令未見其書也

一令須引經據典分韻聯吟當筵構思者編為雅令一卷每令記三條蓋起令還令收令也惟座客均屬解人始可行之否則一人向隅滿座為之不樂矣

一令太俗者薦紳先生難言之概不著錄古之人有行之者則編入古今茲擇其俗不傷雅不費思索可以通行者編為通令一卷

一古今須注出處至雅令通令多有采諸稗說見諸酒座常行不詳所自出者概不贅注

一酒籌所以記飲數白香山詩醉折花枝作酒籌是也後人書令於籌探得者照飲不知始於何時厥法良便且免趨避荀子所謂探籌投鈎者所以為公也合編籌令一卷

一近日所見各令有別出新意突過前人者暇時間與同志戲瓶各令附於各卷之末以俟有道之正其遺漏未備者異日續有所得當緝為補遺也

酒令叢鈔目錄

卷一 古今

禮飲

牛飲

當筵歌詩

投壺賦詩

不酬浮白

即席作歌

即席賦詩

即席倡和

即席聯句

數典

當筵奏技

後至者飲

鼓盤起舞

了語危語

加倍令

回文反覆

疊韻雙聲

離合郡姓名

藥名

四色詩

習字度詞

數目詩

口字詩

藏鈞

藏闔

射覆

回波舞

倒飲

三字同音令

急口令

卷白波

指巡胡

捕醉仙

打還京

招手令

一字象形

屬對令

四字令

骰子令

鞍馬令

旗幡令

閃爍令

拋打令

書句俗語

小字

上水船

措大吃酒

樂器名

栗戲

飛盞言狀

連臺拗倒

身上果名

手勢令

閒忙令

鬼飲

了飲

囚飲

鼈飲

鶴飲

巢飲

徒以上罪

卦名証故事

顛倒令

拆字令

偏旁令

體物令

九射格

羽觴

序飲

冷香令

古人姓名回環令

反切令

名姓繁簡令

人名疊韻

姓名相類令

增損重疊令

粘頭續尾令

落地無聲令

詩裏藏闕令

成語回環令

攢三字令

三雅仿製

人名令

儒道釋吏令

六鶴

猜枚

大人小人令

江花品藻

盜令

拆字貫成句

鳥名串四書曲文

有名無實

花名人事令

物名稱謂令

卷二 雅令

四書數目令

讀大學

一品令

四聲令

四聲連理令

先生令

賢否回環令

並蒂連環令

同體令

並頭離合字令

集古人名令

四書貫人名令

四書貫卦名令

四書貫千字文

四書貫西廂

四書一字句加姓成古人名

又貫水滸人名令

四書貫戲令

葩經離合字

葩經花名令

並頭花
交加花

並蒂花
參差花

連理花
葉底花

含蕊花

月令蟲兼曲牌名

月令貫西廂

國名疊塔令

用國策語

四書偶句令

八卦令

詩貫四書

四喜詩貫四書

單傳名句

集美人名令

金門射策令

有無問答令

重疊飛聲

不犯五行詩

干支詩

數目詩

玉人詩

飲中八仙歌令

詩切官名

車馬詩

樂器詩

壽字詩

五色詩

詩句聚訟

詩干例禁

詩分真假

詩句減字意足

改字詩令

有口詩令

無口詩令

兩歧令

加倍令

黃鸝白鷺詩

花名詩

藥名詩

詩句貫曲牌名

大小對 織錦令

喜相逢令

同色離合字

拆字對令

續麻令

雙聲疊韻令

古文貫串令

詞牌令

詞牌貫詞

詞牌合字

骨牌名貫串令

骨牌離令令

骨牌名貫詩

別有天地令

空中樓閣令

作人令

解語花令

異言異服令

奇貨可居令

利器虛聲令

草木春秋令

花非花令

花木脫胎令

花間兩姓令

餐花令

花鳥同名令

花鳥多情令

珍禽異獸令

鳥獸無形令

蟲魚偕隱令

果名藥名

關草令

藥名貫曲牌名律例

雙骰像形令

彩色貫曲牌名

鳥名貫串

蟲貫曲牌名

圍中字接四書

推字換形

字體像形兼舳斗令

字體四柱冊令

字體抽梁換柱令

拆字貫成句

一字化為三貫諺語

離合字俗語

離合同音

西廂曲貫衙門

曲句貫曲牌名

曲文貫戲名

曲牌貫果名

曲牌貫鳥名

曲牌貫果名鳥名

人名皆姓令

男子雙名令

男子女名令

女子男名令

姓名執業字令

姓名相戲令

女兒令

卷三 通令

福祿壽令

遇缺即升令

狀元游街令

一色令

攬勝圖

狀元及第